



IROMAG

Odlazni studneti



U OVOM BROJU:

PRAZNIK RADA

EDNA VOLODER

**ZAPOSLENICI
UNIVERZITETA "DŽEMAL
BIJEDIĆ" U MOSTARU U
ISTANBULU**

**TREĆI ZELENİ DAN NA
AGROMEDITERANSKOM
FAKULTETU**

**SASTANAK SA
DIREKTOROM KONRAD
ADENAUER FONDACIJE**

**SEDMICA MEĐUNARODNE
SARADNJE 2025**

**NEFORMALNO DRUŽENJE
REKTORICE PROF. DR.
HUSEINBEGOVIĆ SA
NOVINARIMA**

Praznik rada

Međunarodni praznik rada obilježava se kao spomen na velike radničke prosvjede održane u Chicagu dana 1. maja 1886. godine, kada je u sukobima s policijom poginulo više radnika, a osmero je radnika osuđeno na smrt.

Praznik rada je dan kada većina ljudi "tradicionalno" koristi odlazak sa porodicom na dvodnevno ili višednevno putovanje. Dok jedni planiraju ili su već isplanirali piknik, drugi roštiljaju sa društvom.

Edna Voloder

By IROUNMO



“U periodu od 5. do 9. maja 2025. godine imala sam priliku učestvovati na Sedmici međunarodne saradnje 2025 koju je organizovao Vytautas Magnus Univerzitet u Kaunasu, Litvanija. Na sedmici međunarodne saradnje učestvovalo je preko 140 ljudi, iz skoro 50 zemalja svijeta, što je ovo iskustvo učinilo značajnim jer sam imala priliku ne samo upoznati različite kulture, nego i predstaviti Univerzitet „Džemal Bijedić“, ali i našu domovinu, Bosnu i Hercegovinu.

Glavna tema International Staff Week-a bila je „Happiness at Work“, s fokusom na predavanjima i radionicama iz oblasti psihologije (rada). Teme kao što su: „Psycho-Emotional Health and Best Practices“ i „About Psychological Resilience“ smatram značajnim za svoj razvoj i usavršavanje, te ću svakako usvojena znanja i vještine moći primijeniti ne samo na radnom mjestu, nego i u životu. Ono što je za mene najveći doprinos ove mobilnosti jeste mreža ostvarenih kontakata na drugim univerzitetima u svijetu and increasing knowledge of socioal, linguistic and cultural matters.

Učesnici su također imali priliku posjetiti izložbu povodom 100. godina osnivanja Univerziteta Vytautas Magnus, te posjetiti moderno i savremeno uređen laboratorij za robotiku, kao i pogledati dostignuća iz oblasti umjetne inteligencije.

Na kraju, svima bih preporučila da ostvare mobilnost na Vytautas Magnus Univerzitetu – domaćini su izuzetno organizovani i susretljivi, program je odlično osmišljen, a Kaunas divan grad u kojem će se osjećati sigurno i dobrodošlo.”

Zaposlenici Univerziteta "Džemal Bijedić" u Mostaru u Istanbulu

By IROUNMO



Zaposlenici Univerziteta "Džemal Bijedić" u Mostaru predvođeni rektoricom prof. dr. Alenom Huseinbegović proveli su nekoliko nezaboravnih dana u Istanbulu, gdje su kroz opušteno druženje i zajedničke aktivnosti gradili bolju timsku povezanost i uživali u ljepotama i inspirativnom ambijentu jednog od najživopisnijih gradova na svijetu.

Tokom boravka u Istanbulu, zaposlenici Univerziteta imali su priliku posjetiti Sultanahmet, hipodrom, Aya Sofyu, Kapali čaršiju, kao i azijsku stranu grada, Čamlidža džamiju, Uskudar, Djevojačku kulu i Kadikoy čaršiju. Također je upriličeno krstarenje Bosforom, te posjeta Ortakoy i Taksim trgu.

U prijatnoj atmosferi, uz mnogo smijeha i zajedničkih trenutaka, zaposleni su pokazali da dobar tim ne čine samo profesionalne vještine, već i međusobno povjerenje i prijateljski odnosi. Boravak je protekao u duhu zajedništva i pozitivne energije, a svi zaposlenici su se vratili motivisani, nasmijani i puni pozitivnih utisaka.

Treći Zeleni dan na Agromediteranskom fakultetu

By IROUNMO



Agromediteranski fakultet Univerziteta "Džemal Bijedić" u Mostaru uspješno je organizovao svoj "Treći zeleni dan" u utorak, 27. maja 2025. godine, od 11 do 13 sati na platou Fakulteta.

Događaj je imao za cilj podizanje svijesti o važnosti jačanja lokalne biljne proizvodnje i time zaštite životne sredine. Studenti i uposlenici Fakulteta predstavili su proizvode i sadnice ukrasnog, ljekovitog i začinskog bilja, kao i sadnice povrća, koje su rezultat njihovog praktičnog rada tokom ove akademske godine.

Dio prezentovanih sadnica poklonjen je mostarskim srednjim i osnovnim školama, te drugim javnim ustanovama od značaja za Grad Mostar.

Zeleni dan privukao je veliki broj posjetilaca koji su svojim prisustvom podržali ovu važnu ekološku inicijativu. Posebnu pažnju izazvao je nutricionistički kutak sa zdravim slasticama, gdje su posjetioci mogli uživati u ukusnim i zdravim delicijama pripremljenim s ciljem promocije zdravog načina života.

Sastanak sa direktorom Konrad Adenauer Fondacije

By IROUNMO



Direktor Konrad Adenauer Fondacije u Bosni i Hercegovini, gospodin Stephan Raabe posjetio je Univerzitet „Džemal Bijedić“ u Mostaru gdje se susreo sa rektoricom Univerziteta prof. dr. Alenom Huseinbegović i predstavnicima menadžmenta.

U okviru posjete održan je sastanak na kojem su prisutni razgovarali o brojnim aktuelnim temama uključujući oblasti visokog obrazovanja, društvenih izazova, mogućnosti zajedničke saradnje i realizacije zajedničkih aktivnosti i projekata u narednom periodu.

Direktor Fondacije je potom održao predavanje na temu „Rezultati parlamentarnih izbora u Njemačkoj“ studentima različitih studijskih programa Univerziteta, koji su aktivno učestvovali na dvodnevnoj radionici „Content marketing i izgradnja političkog brenda: strateški pristupi“.

U fokusu predavanja bile su političke promjene u Njemačkoj, analiza izbornih rezultata i njihovi širi uticaji na evropski kontekst. Studenti su pokazali veliki interes, što je dodatno obogatilo dinamičnu diskusiju koja je uslijedila nakon izlaganja.

Na kraju događaja, direktor Fondacije je svim učesnicima uručio certifikate za aktivno učešće i posvećenost tokom radionice.

Podsjećamo, Konrad Adenauer Fondacija svake akademske godine raspisuje Javni poziv za stipendije na koji apliciraju studenti Univerziteta „Džemal Bijedić“ u Mostaru.

Univerzitet izražava zahvalnost direktoru Fondacije na posjeti i konstruktivnom razgovoru, te se raduje nastavku saradnje u cilju zajedničkog doprinosa razvoju obrazovanja i društva u cjelini.

Sedmica međunarodne saradnje 2025

By IROUNMO



Od 09.06. do 13.06.2025. godine, Kancelarija za međunarodnu saradnju organizovat će niz događaja kako bi promovisala međunarodnu saradnju i mobilnosti.

Prema planu aktivnosti, različiti fakulteti će biti domaćini aktivnosti.

U ponedjeljak, nakon registracije učesnika, sve aktivnosti će biti na Nastavničkom fakultetu.

U utorak je domaćin Ekonomski fakultet. SUNRISE konferencija za umrežavanje održat će se u srijedu. To će biti prilika da se sazna više o radu alijansi aktivnih u Bosni i Hercegovini, razmijene dobre prakse, te povežu i stvore istraživačke mogućnosti.

U četvrtak će učesnici Sedmica međunarodne saradnje otputovati u Sarajevo i prisustvovati Sedmica međunarodne saradnje na Univerzitetu u Sarajevu.

Nastavnički fakultet je također domaćin u petak.

Tokom Sedmica međunarodne saradnje, studenti Fakulteta informacionih tehnologija, Ekonomskog fakulteta i Pravnog fakulteta će aktivno učestvovati u realizaciji programa. Student sa Odsjeka za sport i zdravlje će održati čas aerobika. Predstavnik Univerziteta Alexandru Ioan Cuza iz Iasija održat će radionicu o brendiranju zemalja.

Neformalno druženje rektorice prof. dr. Huseinbegović sa novinarima



ClickIT is the name of a project that gathers a group of students from the Faculty of Information Technologies. The initiative results from the proactive engagement of students in the course of Marketing and stands out for its innovation, teamwork, and the application of theoretical knowledge in a digital environment.

The team members – Tarik, Bakir, Amar, Nedim, Naida, and Ajla – come from different cities across Bosnia and Herzegovina. They have collaborated to form a digital team and create a presence on social media platforms Instagram and Padlet, aiming to promote topics in digital marketing, current IT trends, student engagement, and daily life.

In just one month, their work has generated over 25,000 visits. With the mentorship of Prof. Dr. Veldin Ovcina, the team has completed projects with renowned IT companies and is planning new partnerships and educational campaigns for future activities.

Team member Naida emphasizes:

"Teamwork allowed me to apply the theoretical knowledge I gained during my studies to practice. Significantly, we can contribute to real IT projects while still in school."

The ClickIT initiative exemplifies the connection between academic knowledge and practical application, showing that with innovation, dedication, and quality mentorship, students can achieve significant results even during their academic education.

BOSNIAN DICTIONARY

- TAKMIČENJE - COMPETITION
- DEBATA- DEBATE

- SREDNJA ŠKOLA - HIGH SCHOOL
- PRIJEMNI ISPIT - ENTRANCE EXAMINATION

IROMAG



/iro.unmo



@iro.unmo



/iro.unmo

IROMAG TEAM
MIRSADA BEHRAM
LEJLA ŠKALJIĆ
AMILA VRTIĆ
HUSEIN MARIĆ

